

آبونه شرائطی

ممالك عثمانیه ده سنه لکی (۶۵) آلتی ،
یلفی (۴۵) غروشدور
ممالك اجنبیه ده سنه لکی (۱۷) ، آلتی
آیلفی (۹) فرانقدز .

اداره خانه


باب عالی جاده سنده دائره مخصوصه

افطارات

آبونه بدلی پشیندر .

§

مسلكه موافق آثار مع المصنویه قبول
اولنور . درج ابدله یازیلر اعاده
اولونماز .



دینی ، فلسفی ، علمی ، ادبی هفته لقی مجموعه اسلامیه در .

صاحب و مدیر مسئول

اشرف ادیب

باش محرر

محمد عاكف

والله یهدی من یشاء الی صراط مستقیم

اتبعون اهدکم سبیل الرشاد

افطارات

رساله مزدن آلتدیغی کوسترلک شرطیه
بتون یازیلر هر هانکی برغزته طرفندن
اقتباس اولونه بیلیر .

§

مکتوبلرک ، امضالری واضح و اوقوناقلی
اولسی و آبونه صره نومروسنی محتوی
بولونمسی لازمدر .

§

ممالك اجنبیه ایچون آبونه اولانارک
آدرسارینک فرانسزجه ده یازلمسی رجا
اولنور .

§

پاره کوندرلدیکی زمان ته یه دائر اولدیغنک
واضحاً بیلدیلمسی رجا اولنور .

تعارف اسلام

مصطفیٰ کامل

— محمد علی توفیق بک —

نیلک بستہ کار احزانی ، مصرک شانلی قهرمانی ، مصرلیلرک بیوک
اغوج شہامت و فداکاریسی ، اتحاد اسلامک اولوالعزم قهرمانلرندن
بری ... ایشته مصطفیٰ کامل بودر .

مصطفیٰ ، یک آز انسانلره نصیب اولان یک حرارتلی برعشق
مقدس ایله یانیور و دنیسانک جنتنده زنجیرلر ایچنده ایکلہین معشوقہ
وجداننک خلاصی ایچون بتون وطنداشارینک یوردکارینی او عشق
مقدسک علولری ، او ایمانک نورلری ایله سوزان ایتک ایچون
چالشیوردی .

مصطفیٰ نیک مؤثر برجاذبہ لسانیہسی واردی . اونی بردفعہ
دیکلہین اونک مجذوبی اولور ایدی . چونکہ مصرک بتون آمالی اونک
روحندہ پارلیور ، او روح بر آفتاب کی بتون روحلری نورلندیوریور
ایدی . مصطفیٰ ؛ « قلم صولدن صاغہ انتقال ایتسہ ، امراملر یرندن
اویناسہ بن ینہ جہادمندن کبرو قلام » دیہ یک قوتلی بر ایمان ایله
مجاہدہ ایدن بر قهرمان ایدی .

مصطفیٰ نیک روحنی بتون صفوت و صمیمیتلہ ، بتون قهرمانلق
مزایاسیلہ کورمک ایستہینلر مطلقا اونک « مسألہ شرقیہ » سی ، مطلقا
برقاج نطقنی او قومالیردر . مصطفیٰ کاملک روحی اورویانک دسائس
خفیہ ابلدسانہسی اوزہرینہ اوقدر مشعشع بر نور انتباء ایشار ایتشدیرکہ
اونلری وھلہ کورمہمک ممکن دہکدر . مصطفیٰ نیک اون طقوز سنہ
اول « انکلتزہ اسلامیتک دونکی ، بو کونکی و یارینکی ابدی دشمنیدر »
ترانہ ہاتفانہسی قولانغمہ دائما چینلار ؛ انکلز نامنی ہر نہ وقت
طویارسہم علولنیر ، بر حدت بروضعیت دشمنانہ آلیرم . چونکہ او اسمدہ
کیزلی بر روح ردائت واردرکہ نفرینہ و اولومہ شایاندیر . مصطفیٰ ،
ایشته بوروح ردیئہی بوغمی ، اولدرمک اوغرنده شہید اولان
مصرلیدر . مصطفیٰ ، بونک ایچون کیجہ کوندوز چالیشان ، دائما
چالیشان ؛ « مصر باغیلرک مزایدر » دیہ پروغرامندہ انکلز ظالمترینہ
اک جان آلیجی سلسلہ تادی ، ضربہ قاتلہی و ورمق ایچون متارکہ سز
بر حرب آجان سردار ملتدر . مصطفیٰ ، انکلتزہی ، مصرک قیزغین
چوللرینک لاجورد سہاسی آلتندہ آچیلان ، ہر استبدادی یوتان ،
بر مقتضای عدل الہی محکوم اقراض ملتہ قازیلان مقبر جہنمی بہ
دیری دیری کورمک ؛ اونی اورادہ اک دلسوز عذابلرلہ ، آتشلرلہ
یاقق ، انتقام اسلامی آلتی ؛ صکرہ تاریخنک اوقونیمان صحیفہ لرینہ
بر لاشہ کی دفن ایتک ایچون چالیشان ، فقط بی وفا عمرینک خیانتلہ
بو اوغورده شہید اولان بویوک بر مسلماندر .

مصطفیٰ : معنوی پیرانش ، مدہش بر تعذیبک ، بر استبدادک

زبونی اولمش ، معنوی عادتا ٹولمش بر ملتک دیریلتیجی و قورتاریجی
داهی و ظہوریدر . او « دہا » ، بوملتی قورتاردی ، اونک قلبندہ
بر عشق مقدس علولہدی ، مختضر ایمانی نورلندی . آرتیق مصطفیٰ نیک
تقدیر دہاسنی دہا شناسلرہ بر اقاق ایجاب ایدر .

مصطفیٰ : روحندہ بسالہ دیکی املارک تحقیقنی کورمہدن افول
ایتدی . فقط استقبالدن امین اولارق ، وظیفہ دہا و قهرمانیسنی ایفادن
متولد بر انبساط معنوینک رفرقلری آردسندہ لاهوتہ یوکسلدی . او ،
روح ملتک سریر عظمتی اولان کنجکلک دوشندہ قالدیرلدی .
« اخلع علی مصر شابک عالیاً — روالبس شباب الحور والودان » وداعیلہ
قبرینہ ، او مصر ایچون ابدی بر آبدہ قهرمانی اولان مشہد معلاسنہ
ملتک شہیق ماتمی آردسندہ قونولدی .

مصطفیٰ کاملی ہر شرقی ، باخصوص ہر مسلمان بر مقتدا عدایتلی ؛
اونی او قوملی و آکلاملیدر .

فقط مع الاسف تعارف اسلام مسألہ مہمہسی ، اہمال اولونہرق
بو رابطہ علویہ صرف بزم غفلتمزلہ ہمان ہمان قوبہ جق درجہدہ
کوشہ دیکسندن بری بریمزدن استفادہیہ ، وجدانلریمزی توجیدہ ہیج
چالیشامشز . بز ایچمزدہ پاریلدایان مشعشع دہالرک قیمتنی بیلیمورز .
اورویانک بر جوق شاعرلری ، قهرمانلری بیلدیکمز حالہ اخلافزہ
نمونہ امتثال ، دہا طوغروسی یکانہ خاطرہ من اولہرق قالہ جق میراث
ابدیہ ارنلری بیکانہ بر اقیورز .

ایشته عصر حاضر مسلمانلرینک اخلافہ بر اقدینی اک عزیز
خاطرہ لردن ، دائما جانی خاطرہ لردن بریسی دہ مصطفیٰ کاملدر .

مصطفیٰ کامل عالم اسلامک روحی ، مثابہ سندنہ اولان مصری ،
او یک عزیز ، یک سوکیلی مصری انکلز پنچہ استبدادنن قورتارمق ؛
اورادہ رایت توحیدی دالغاندیرمق ؛ اورادہ انکلز ملعنتی ، انکلز
جبروت متمردانہسی پرینہ جناح قدسی خلافتک سایہ نوارینی یاقق
أمل علویسی اوغورندہ صوک درجہ فداکارانہ ، اودت اومصر ایچون
یوزلرچہ سنہ لازم اولان شہابی فدا ایدرک مجاہدہ ایتدی . اونی
نہ انکلز زندانلری بیلدیردی ، نہ انکلز دونماسی قورقوتدی ، نہدہ
انکلز ایتسام فسونکاری آلدادی ... او دائما و ہر شیتہ رغما ، جہاد
و ثبات ایتدی .

مصطفیٰ کامل اتحاد اسلامک اک بیوک اولوالعزم قهرمانلرندندر .
وا اسفا کہ ارض مبارکہ حجاز اونک خطاب علویسندن محروم اولدی .
اودت مصطفیٰ تام مکہ مکرمہدہ عالم اسلامک ہر طرفندن کن یوز
بیکلرچہ حجاج آردسندہ او جاذبہ دار و اویاندیریجی خطابہ لرلہ بر
جریان اتحاد ، بر جریان انتباء آچفہ قرار و یردیک سنہدہ وفات
ایتدی . نہ سریع بر اولوم ...

مصطفیٰ نیک بومسألہ حقندہ جوق مہم یازیلری ، یک عالی فکرلری
واردر . فقط او فعلاً ایشہ باشلامق ایستیوردی . او ، دینزک اک مہم
ارکائندن اولان حج شریفک ، اودت او اتحاد اسلامک کوچک و قدسی

بر تظاهر فعلیسی اولان او فیضلی اجتماعک بتون اسلام مملکتلرینه اتحاد و انتباه نورلری صاحبسینی ایستوردی. فقط عمری وفا ایتمه دی. مصطفی ، نیل شاعری شوقینک :

« المشرقان عليك ينتحبان سقا صیها فی مآثم والدانی »

دیه باشلایان و سراپا ملتک سینه سسندن قویان نشیده مخلده سیله مصرک ، او معشوقه وجدانک آفوش ابدیسنه کوموادی ؛ ملتک سینه سسند جوادانی حیاتی یاشامغه باشلادی.

ایشته نیلک وطن پرور داهیسی . . .

مصرلی
عمر رضا

مکتوبات

ظفر محققد

« ولن يجعل الله للكافرين على المؤمنين سبيلا »

بو آیت کریمه بی اوقوبنجه بتون تاریخ اسلام کوزمک اوکنده جانلانیور ، اونک زنده ووقور پری اختشامی قارشیمه دیکلیور ، بوتون فضائل ، بتون مفاخری تمیل ایدهن اوپری بر عظمت بتون جاذبه وکوزمه لایکله عشق وجدانی علویور ، روحی نورلیدیور . استقبال حقنده کی ایمانی ترصین ایدیور .

جناب حق او بلاغت لاهوتیه سیله مسلمانلرک هیچ بروقت کافرلرک اسیری اولیه جقلری ، کفرک ایمانه تفوق ایتیه جکنی فرقان حکیمنده بیان بیوریور .

شمدی بتون فلاکتلریمزک اساسی بتون فجاعتیه کوروپورم . خسته لقلریمزک ادهمتلرینی مشاهده ایدیورم بزم بیاض القلب ایتمش ، اللهم بیوردینی کی مؤمن ده کل ایتمش . ایشته سقوط طمیزی تمجیل ایدهن یاره بوایمش . اجدادیمزی الیوکسک شاهقه مدینه ایصال ایدهن فیاض و منور قوت : « ایمان » ایدی . اونلرک هر طفری . هر ترقیسی او ایمانک قوتنه وابسته ایدی . او قوت بتون ایمر اطور لقلری صار صمش ، خاک ایله یکسان ایتش ، یرینه دها رصین و ناقابل انهدام بر « بنای توحید » قورمش ایدی ، او قوت هیچ مغلوب اولماش ، دائما غالب کلش ایدی . دیمک بزم ضعفمز ، ذلتمز درونی برضعفک نتیجه سیدر : ضعف ایماندر .

بوکون بز روحزی آیدینلاندق ، قلیجمزی چیقاردق ، ایمانمزک قوتنه استناد میدان چیققدق ، اهل ایمان اولدیغمزی فعلا اعلان ایتدک . آرتق عون حقله ظفر محققد . اوظفره اینانیمان وارسه اونک ایمانندن شبه ایدوم .

ظفر محققد . چونکه الله « والذین جاهدوا فینا لنهذبهم سبلنا » اوغورمزده جهاد ایدنلره یولمزی کوسترز « بیوریور .

ظفر محققد . چونکه بوکون محاربه ایدهن سیف حماسه اسلامدر . بوایمه هر زمان مظفدر . اللهم نصرتی ایله موعوددر . « وکان حقا علینا نصر المؤمنین » .

ظفر محققد . چونکه نه زمان اعلاهی کلمه الله اوغرنده اعدای اسلام ایله فداکارانه چارشمشه مسلمانلر دائما اللهم فضل عظیمه نائل اولمشلر ، غالب کلشلردر . « الا ان حزب الله هم الغالبون »

فقط هر مسلمانک ظفر حقنده کی قناعتی ایمانک قوتنه مر بوطدر . بویله بر زمانده جزئی بر تردد ، براندیشه کوسترنلر ، بدین اولانلر حق تعالانک « ولا تنهوا ولا تمزنوا واتم الاعلون » امر جلیله عصیان ایتش اولورلر .

ظفر مظفر اولمه به عزم ، مظفر اوله جفته ایمان ایتش اولانکدر . جبین وضعیف العقل والقلب اولانلر دائما منهزم اولورلر ، ندامتدن ندامته ، فلاکتدن فلاکته اوغرارلر . بالعکس هر مؤمن ، « جنتی » قلیجلرک کولکسند کوره رک جهاد ایدر . قرب رحمانه تشنه اولان روحی جام شهادت ایله سیراب اولور . آرتق او « جنتی » کورمیانلر ، اعلاهی کلمه الله اوغرنده جان و یرمه نلرک مسلمانلقلری آنجق اسملرنده در . الله هیچ بروقت مسلمانلری کافرلرک اسیری ایتمز . « ولن يجعل الله للكافرين على المؤمنين سبيلا » عبدالغنی سعید

مکتوبات

فاس امیری عبدالملك حضر تلرینک مکتوبی

جزائر مجاهد شهری عبدالقادر مرحومک اولاد کرماندن ارلوب اخیراً فاسه کیدرک اوراده فرانسلره قارشی اعلان جهاد ایلین و بر چوقواقعه احرار ظفر و غلبه ایدن فاس امیری عبدالملك حضر تلری طرفدن بوراده کی قاربته کوندربلن و بر صورتی تصفیر افکار رفیقمزده انتشار ایدن مکتوبی ، اهمیت فوق العاده سنه مبنی ، بزده بوجه آتی درج ایدیورز :

« جناب حق عموم اهل اسلامی توفیقات صمدانیه سنه مظهر بیورسون آمین . « بوکره دخی مجاهدینک واقع اولان مهاجمات شبدیه لری اوزرینه فرانسلرک اک زیاده تحکیم ایتکلری فاس شهرینی له الحمد اون بش کونده فتح ایتکه موفق اولدم . کیجه لی کوندوزلی دوام واشتداد ایدن حرب اوزرینه شجیع و بهادر مجاهدلر رایت اسلامی فاسک برج و بارولرینه رکز ایتدیلر . شهر اهالیسی عظیم مسرتله بزی استقبال ایلدیلر . تهلیل صدرلی آفاقی چینلایوردی . کوز یاشلرله اهالی یکدیگری در آغوش ایدیورلر و جوامع شریفه مناره لرنده جناب